

己酉二月上海醫學研究所發行

上海醫圖報

第一期



上海醫報序

學術之有報所以徵研究之實行也夫不有報幾不知研究何事是以商學有報農學有報報者藉以交換智識集思廣益而寓研究之意於其中焉達不敏於乙巳秋邀同志數人創設上海醫學研究所其始不過二三知己朝夕觀摩以送診覘實驗以醫案相切磋丙午蒙諸君子不棄結成醫界團體丁未研究所屋全落成遂爲闔埠醫界總匯之處至戊申六月同人以醫學爲衛生要素非有報以行於世不足以公同好而使不知醫者防範於未病之先此上海醫報發軔之始也自醫報出而海內有志之士時以文字寄郵筒互相討論又以一月三期爲煩碎囑訂成帙此醫報改良之原因也達竊以爲中國醫學流弊已臻極點一知半解出而問世而東西各國醫學日形發達皇皇國粹幾將淪湮使非研

求有素取彼所長舍我所短何以與亞東歐西抗衡衛生命而強種族今者千里一堂遠近考證吾國醫學之振興其庶幾乎抑遏更有言者醫報者學術之報也研究學術爲醫報之宗旨他若新聞小說自有各報爲之記載而豔麗之辭游戲之筆尤非學術報所宜故措語貴莊紀事取實閱斯報者當於報中求衛生研醫理不以斯報爲娛心悅目之具也其亦醫報所深幸也夫

宣統元年歲在己酉花朝上海顧鴻達賓秋敘

本報分售處

南倉萬福堂藥鋪 虹口萬壽康藥鋪 新聞養元堂藥鋪

八仙

橋天生堂藥鋪 邑廟花園蔡仁昌扇店

蘇州胥門內東善長巷蘇省醫學研究所 紹興宣化坊醫藥學社

江陰布政巷醫學會 瀏河鎮醫學研究所 鎮江教育會各報

代派處 平望東溪河各報代派處 南京白酒坊濮鳳笙君 呂

巷錢杏蓀君 同里錢康侯君 安徽巢縣炯煬祖氏醫寓

本報徵文

本報爲研究醫學集思廣益起見務祈海內高賢各將治驗醫案及一切著作或前人遺集或經驗良方一併寄交上海醫學研究所本報事務處以便按期選登以揚名譽餉後學而濟民生惟不送酬資郵力自給不登者原稿概不檢還



論文

原醫 醫學與世界之關係

學說

論治肝氣宜用活法 毛竅爲氣支道論

醫案

瘧疾治驗 噤口傷寒治驗

藥物考

泰西本草菁華

前賢軼事

項昕傳

雜錄

內經生理學解

專件

辨正醫學報記上海醫會撤銷事

上海醫學研究所公牘

奉 憲調查中國醫學會覆稿

上海醫學研究所記事

本年司月表 正月分報告 添訂會期第一課問題

全集著述



論文

原醫

王樹敏 政聲

天以陰陽五行化生萬物氣以成形萬物既成而有形莫不各稟陰陽五行之氣人爲萬物之靈秉氣獨全物則秉其氣而不全是以天地之間人爲貴也然天地之氣運有時而不調斯釀爲災沴人身之氣運有時而不和斯釀爲疾病蓋大氣幹運不能無太過不及之差太過則氣有餘不及則氣不足而運行之機滯矣積滯成鬱而災沴疾病生焉人受天地氣運之偏而成疾是爲外感積藏府氣運之滯而成疾是爲內傷惟聖人能順天地之氣運而消息之測藏府之氣運而節宣之外無所感內無所傷陰陽升降常順氣運之機是以疾病不作得以盡其天年常人不能防患於未然一身之氣運由太過不及而有所滯由滯而鬱疾病以生聖人憫之於是創治療之法其法之大要通其滯宣其鬱使其氣之流行制其太過益其不足使其氣之調和而已故湯液之用取草木一偏之性補救人生一偏之疾者也病有萬變治療之法亦隨之而變法有萬變治療之理則一定而不變通達治理變化方法神而明之存乎其人也累代賢智之士各變心法歷徵治效會而通之斯有獨得之見暮年撰著發前人所未發補先賢之

缺漏將多方以救世耳善學者沿流溯源觀其會通備法以運思精思以用法然後知載藉流傳無非一理引伸觸類而已是故後世偽書假名先聖而說理精確足爲世法識者珍焉由是觀之治療之道道中之一事也統全體之道以究一事之理則於治療方法思過半矣

醫學與世界之關係論

倪友達 頌兼

醫學者個人之藝術 世界者公共之舞臺也世界之有醫學不過於藝術界中佔一部位似範圍甚小能力薄弱未有左右世界之權勢也乃近稽世界默覘時運竟有醫學發達者其國強醫學固陋者其國弱醫學於世界佔一重要地位其故何哉蓋國者積民而成民強則國強民弱則國弱無或爽焉然民生強弱之原因半由賦稟之堅脆半由保衛之得宜所以父母康強者子孫無遺傳之疾病而體氣充盈者寒煥時慮其沾侵夫欲保泰持盈救衰起弊舍醫學無能爲力吾故曰醫學者保衛民生之樞紐而實強國之基礎也粵稽中國醫學肇於黃帝醫師見於周官君若相提倡於前聖與哲圖成於後慎重民命澤被羣生此無他亦保民保國之道也厥後名賢輩出議論宏深日本觀光朝鮮就學醫學昌明於斯爲烈當時國勢日張外人畏懷良有以也迄於今



學說

論治肝氣宜用活法

滕竹軒

人之五臟惟肝易動而難靜他臟有病只自病其臟閒有延及別臟者乃病久而生計失常所致惟肝一病卽延及他臟肝位于右其用在左肝氣一動卽乘脾土作痛作脹甚則作瀉又或侮犯胃土氣逆作嘔兩脇痛脹肝之大脉布于兩脇而胃之大絡亦在兩脇也又或上而冲心致心跳不安又或上而侮肺肺屬金原所以制木而肝氣太旺不受金制反來侮金致肺清肅之令不行而嗆咳不已所謂木擊金鳴也又或火化爲風眼目眩暈巔頂昏痛又或血不養肝因不榮筋四肢搖擗周身抽掣又或疎泄太過致腎不閉藏而二便不調又或脹及背心痛及頭項其變幻不測不能盡述總之肝爲將軍之官一遭拂逆氣卽怒張故五臟之病肝氣居多而婦人尤甚治病能治肝氣則思過半矣內經治肝有三法辛以散之酸以斂之甘以緩之後人立方合三法爲一謂之逍遙散用柴胡以爲辛散用白芍以爲酸斂用炙草以爲甘緩因肝氣易帶肝火又加丹皮山梔謂之加味逍遙散今之醫者一見肝氣卽投以逍遙不應更投以加味逍遙再不應則束手無策矣不知內經論治肝不過舉其大要臨症則變幻無窮而治法

宜活安能拘拘守此三法乎余嘗深思詳考治肝竟有十法焉心爲肝之子急則瀉其子一法也腎爲肝之母虛則補其母二法也肺爲氣之主肝氣上逆清金降肺以平之三法也胆居肝葉之下肝氣橫逆必挾胆火而來其犯胃也嘔吐夾酸夾苦酸者肝火苦則胆火宜用溫胆法平其胆火而肝氣亦隨之而平所謂平甲木以和乙木也四法也肝陽太旺養陰以柔之不應則用介屬以潛之所謂介以潛陽五法也肝病實脾則仲聖之成法六法也若肝有實火輕則用左金丸重則用龍胆瀉肝湯亦應手而愈合之內經二法豈非十法乎若夫專事破氣縱一時較快而旋止旋發且愈發愈重此粗工之所爲烏足以言法哉

毛竅爲氣支道論

金繹聲

西醫云周身氣管外則散爲毛竅內則總統於肺此即內經肺合皮毛之旨也至毛竅爲肺氣出入之支道則從未有論及之者惟近時會稽趙晴初先生及天彭唐容川先生體會出之發古未發助人研究啟沃實多爰述其言宗其意以推論之晴初曰人止知息道從口鼻出入而不知一身之毛竅俱暗隨氣息以爲之鼓伏所以外感表實之症毛竅鬱遏氣機不利則發喘內傷表虛之症大汗亡陽氣機過泄則息微此一說也

醫案

瘧疾治驗

袁焯桂生

去歲七月杪焯由蘇返鎮適友人童君道生患瘧甚重醫治未效爰偕家兄樹珊往候之見其汗出淋漓身熱口渴神氣疲弱因問病起幾日何以如此童君淒然曰瘧發已五日至下午八時始發但熱不寒熱甚則汗出甚至溼透衣衾至天明始退心煩口渴不能安寐遂診其脉兩手皆細數按之極虛小洩赤而熱舌黃燥苔少脛不悶閱前服方則清脾飲二陳湯加減童君謂焯曰我病有法設乎焯告之曰病雖重當無礙但須急服弟方前方不可服矣隨書西洋參百合地骨皮白芍知母各二錢川連五分鱉甲五錢元參三錢甘草一錢浮麥紅棗爲引囑急煎服而別其時吾揚趙都轉考醫試期促迫因卽附輪返舍登岸後途中遇育才學堂學生一見卽曰家師叔正患瘧思念先生不置答以常來看候育才學堂者吾友陶君治青創辦也病者卽其四弟冠三到舍後陶君來刺相邀往叙寒暄畢詢其病情則每日午後發發時微寒旋即大熱不安口甚渴家人因惑瘧發忌茶之說遂不輕與飲頭暈不支脉至細數左尺尤甚熱後亦出汗苔少溺赤此陰虛受暑暑邪內伏當此秋金收肅之候邪不能容遂發爲瘧因與

青蒿鱉甲銀柴胡川連沙參元參知母苡仁半夏一劑後不復發矣比來鎮童君已愈並謝曰服君藥後當晚卽不復熱汗亦漸止次日卽思粥飲至今未服藥眠食如常惟精神殊欠云此兩病皆爲暑瘧故瘧以涼藥治之童因疊服檳榔草果等藥陰氣大傷而熱藥助邪迫液外洩故有大汗淋漓煩躁不寐之現象使於此而再投辛烈其不至於大汗亡陽者幾希

噤口傷寒治驗

凌詠永言

丙午年外虹橋堽元裕里開設元昌洋廣貨號之錢君琨瑜文郎名康福年十三歲肄業澄衷學堂其時體操畢打鞦韆失手跌悶扶歸家內頓發寒熱當延東西洋醫調治得痊又赴學不三日復病兼感溼溫時邪寒熱復作驚悸昏沉便結口渴病勢加重頭面四肢隱現紅痧未透錢君素信洋醫再請來治僉云腦筋肝肺皆熱非用水水沐浴不可遂卸去衣服先以冰水淋頭及淋身則一息淹淹不出聲就此牙關噤閉語言不出體若燔炭怒目瞪視便結洩赤不喜飲食舉家驚慌據言曾延洋醫十六人中醫數人治之加劇恐犯邪祟又央師巫禳解化去二三千金仍然噤口不出聲力勁過人至第二十六天早錢君與至友林君純泉商酌治法當薦余至瞪目狂妄手舞足蹈不能

未完

藥物考

泰西本草菁華

美國滕醫生原本

上海唐志鈞筆述 男 秀 賦 口譯

啞囉 生於南亞非利加洲極繁茂而甚珍貴每歲開花一次自離好望角五十里其地幾乎遍植亦有栽於拜貝徒司及索哥德拉島者入藥取其葉內之汁盛淺器曝於日中待乾即堅如膠脂其種類不一產於索哥德拉島者爲最佳肆中賣買亦以此種爲多

功用 此藥較別種爲更有用之品佐以他藥用處甚廣爲瀉劑而畧帶補性走大腸逐積滯專在大腸下廻及直腸子宮內發其功力治腸炎痢具炎子宮炎等症而頗有調經之功又有稍行胃氣故少服爲治大便常閉結之妙藥又治消化具功用紊亂及大腸頭與肛門小蟲作癢服之則能靈捷瀉下然大半用於子宮病及調經較他藥爲尤靈 服法用於小蟲作癢者每服十林士作輕瀉劑者每服二三林士欲其大瀉可增至二十林士如嫌其味苦可作丸服若將啞囉與大黃等分再加胰子及薄荷油少許爲丸臨臥時服三四丸能緩開大腸乃極便極妙之瀉劑然雖走



大腸與痔瘡不甚合宜此藥在胃肝子宮及慣於便閉與頭痛等症是爲無比之瀉劑大人每服五至十五林士小兒每服一至四林士

美洲沙沙把列

此乃香草之類生於高原沙地葉大而不甚高高亦不過一二尺其

根軟大而長四圍蔓竄氣香味辛微甘花開僅二三朵其色青黃結成球形之小果恆見於中北亞美利加洲而於西亞美利加洲不多見焉

功用 此爲改病劑又爲行氣劑用以泡水及糖漿之類可代土茯苓而功力過之

治有性質之病

傳即遺氣血

如嘔吐咖啡楊梅症皮膚病等類能改變性質之藥或獨用

或與他改病藥同用 服法泡水或糖漿每服半杯日服三次

茴香子 此子卽平常花園中之茴香子也其在美國園中植此者特以備藥籠之資耳

功用 氣香而美味甘性溫治飯不消化小兒諸病肚風腹痛等症宜服茴香子泡水胃滯宜以此油滴於糖中而服茴香酒卽以油加於酒中也配法油一分酒八分常用於香料中若配入他藥則更覺香美 服法油每服二至十滴酒一至二匙泡水者常用於小兒每服一茶匙或稍加之

未完

前賢軼事

項昕

項昕號抱一翁源人治一病脅痛衆以爲癰投諸香薑桂之類益甚陽脈弦陰脈微痛公曰弦者痛也濇者腎邪有餘也腎上簿於脅不能下且腎惡燥今服燥藥過多非得利不愈先用神保丸下黑洩痛止更服神芎丸或疑其太過公曰向用神保丸者以腎邪透膜非全蠲不能引導然巴豆性熱非得硝黃蕩滌後遇熱必再作乃大泄數次病愈經曰痛隨利減是也治一婦腹脹如鼓四體骨立醫以爲孕爲蠱爲瘵公診曰此氣搏血室耳服血藥多而失於順氣經曰氣血同出而異名故治血必先順氣俾經隧得通而後血可行乃以蘇合丸投之三日而腰痛曰血欲行矣急以硝黃峻逐之下瘀血如瓜者十餘枚而愈所以知其病者以其尺脈弦滑而數弦者氣結滑者血聚實邪也故氣行而大下之又一婦病同而診異公曰不治法當數月死向者女子脈滑而實邪今脈虛爲元氣奪矣又一女子病亦同而六脈獨弦公曰眞臟脈見法當踰月死後皆如其言治一人夏月病甚衆以爲瘵公診其脈細數而實細數者暑也暑傷氣宜虛今不虛而反實乃熱傷血藥爲之也與白虎湯飲之立瘥治一人胷膈壅滿甚篤昏不知

人公診其脈陽脈浮滑陰脈不足浮爲風滑爲血聚始爲風傷肺陰脈不足乃過於宣逐也諸氣奪肺肺氣治則出入易苑陳除故行其肺氣病當自己初以杏仁薏苡之劑灌之立甦繼以升麻黃芪桔梗消其膿服之逾月而愈

按餘姚縣志項昕字彥章自永嘉來徙幼好方數外大父杜曉村世業醫受其書讀之稍長學易趙穆仲葉見山後以母病醫誤投藥死痛之乃願志醫術聞越大儒韓明善名往拜之得所藏方論甚富後詣陳白雲受五診奇眩歷試其說皆精良會金華朱彥修來越出金源流河間張戴人李東垣諸書示之昕獨疑古方不宜治今病之論亟往錢塘見陸簡靜始悟古今方同一矩度也又往浙右見葛可久論劉張之學往建業見戴全父譔五運六氣撰要若干篇授之太醫院使張廷玉善橋引按抗甚奇昕亦事之盡其技於是爲人診疾病決死生無不立驗諸貴人辟爲掾吏非所尙也門人力請著書作脾胃後論補東垣之未備昕喜辭章善音律工繪畫而獨以醫顯

雜錄

內經生理學解 續

江都袁焯桂生氏

靈蘭秘典論

心者君主之官神明出焉

此與下十節亦言臟腑之功用性質五臟之中心爲最貴故以君主譬之心爲運血之總樞有左右上下四房左上房主接肺經赤血右上房主接週身迴血左下房主發赤血運行週身右下房主接上房迴血過肺更換赤血而迴左上房左上房赤血落左下房入總脉管以養全體右上房迴血落右下房上屬於肺以出炭氣而接養氣而曰神明出焉者以神寓於心之血也神卽心中陽氣爲人身之至寶與陰精元氣並重有此神則生無此神則死故古人以精氣神爲三奇夫豈特主聰明智慧而已哉

肺者相傳之官治節出焉

此言肺之功用能佐心主之力故以相傳譬之合信氏云心之舒縮肺之呼吸爲之也心不得肺呼吸則不能久長舒縮偏血運行且不能改換毒血此數語實爲此節

經文之鐵板註脚治節云者亦即呼出炭氣吸入養氣以使全身之氣血調和營衛合度之謂耳

肝者將軍之官謀慮出焉

此言肝之性質非言功用也肝在志爲怒故以將軍譬之謀慮二字昔人多附會詮釋其實即從將軍二字生出以聯成一節耳此等處似不及心肺腸胃膀胱之精斂胆者中正之官決斷出焉

胆之功用全在於汁但能佐脾胃消化食物中正決斷之說亦猶之肝之謀慮焉耳故吾不敢強解

臚中者臣使之官喜樂出焉

此言臚中之功用臚中者心包絡也有護衛心主之能力故曰臣使之官心在志爲喜故曰喜樂出焉舊註多如是其實心與包絡其用不能分也

脾胃者倉廩之官五味出焉

此言脾胃之功用即六節藏象論所謂脾胃大小腸三焦膀胱者倉廩之本之義五味出焉者言食之五味入口由胃而輸出於各臟腑也脾有化食之力故與胃並稱